

150 000-ზე მეტ პენსიონერს სესხის პროცენტი შეუმცირდება

ეს გადაწყვეტილება მთავრობის ადმინისტრაციაში გამართულ შეხვედრაზე მიიღეს, სადაც საქართველოს პრემიერ-მინისტრი ირაკლი კობახიძე ეროვნული ბანკის პრეზიდენტის მოვალეობის შემსრულებელს, ნათია თურნავას და „ლიბერთი ბანკის“ გენერალურ დირექტორს, ბექა გოგიჩაიშვილს შეხვდა.

ამ გადაწყვეტილებით, 150 000-ზე მეტ პენსიონერს, რომლებმაც სესხი აიღეს 2023 წლამდე, სესხის პროცენტი შეუმცირდება და გაუტოლდება იმ პროცენტს, რომელიც დაწესებულია 2023 წლიდან. მთავრობის ადმინისტრაციაში



გამართულ შეხვედრაზე აღინიშნა, რომ აღსრულების ნაწილსა და კონკრეტულ დეტალებზე „ლიბერთი ბანკი“ ეროვნულ ბანკთან ერთად გააგრძელებს მუშაობას. საკითხის განხილვისას მთავრობის მეთაურმა ხაზი გაუსვა, რომ მნიშვნელოვანია, დროულად დაიწყოს შემდეგი ეტაპი და პენსიონერებმა განახლებული პირობებით შეძლონ სარგებლობა.

რაჭა-ლეჩხუმ-ქვემო სვანეთის რეგიონში პრიორიტეტული და საჭირო პროექტების განხორციელება აქტიურად გაგრძელდება

რაჭა-ლეჩხუმ-ქვემო სვანეთის სახელმწიფო რწმუნებულის, პაპუნა მარგველიძისა და მაყორიტარი დებუტატის, გოჩა ენუქიძის ხელმძღვანელობით სამინისტროების რეგიონული სამსახურების წარმომადგენლებთან სამუშაო თათბირი გაიმართა. შეხვედრას სამინისტროების რეგიონული სამსახურების წარმომადგენლებთან ერთად, სახელმწიფო რწმუნებულის მოადგილეები, ქრისტინა კობახიძე, ალუდა თუთისაძი, ზერდია ჩანქსელიანი ესწრებოდნენ.



მიმდინარე წელს გაფართოებული თათბირის პირველი სხდომა შედგა, სადაც ხელისუფლების წარმომადგენლებმა გასული წელი შეაჯამეს და სამომავლო გეგმებზე დეტალურად ისაუბრეს.

რაჭა-ლეჩხუმისა და ქვემო სვანეთის რეგიონში გასულ 2023 წელს საგზაო ინფრასტრუქტურის კეთილმოწყობის მიზნით, სხვადასხვა ფონდებიდან განხორციელდა - 83 პროექტი და ჯამში დაიგო 103 კმ-მდე ასფალტის საფარი.



პროგრამის „განახლებული რეგიონების“ ფარგლებში რეგიონის მასშტაბით მოეწყო 4 სკვერი.

საგანმანათლებლო ინფრასტრუქტურის განვითარების მიზნით, საქართველოს მთავრობის მხარდაჭერით, რეგიონში არსებული 68 სკოლიდან 2023-2025 წლებში დაგეგმილია და მიმდინარეობს 13 საჯარო

სკოლის სრული სარეაბილიტაციო სამუშაოები, რაზეც ჯამში დაიხარჯება 20 000 000 ლარი.

საბავშვო ბაღების სამშენებლო და სარეაბილიტაციო პროგრამის ფარგლებში, დაგეგმილია თანამედროვე სტანდარტების 4 ახალი საბავშვო ბაღის მშენებლობა - ღირებულებით 9 048 230 ლარი და 4 საბავშვო ბაღის სრული რეაბილიტაცია - ღირებულებით - 11 267 000 ლარი.

რედაქციისგან

გაზეთი „ლენტეხიnews“- ჩვენი საჩუქარი ლენტეხელებს!

ბვირფასო ლენტეხელებო, თქვენს წინაშეა ახალი გაზეთი „ლენტეხიnews“, რომელსაც კომპანია „ქიმერიონი“ გამოსცემს. გაზეთი ჯერჯერობით თვეში ერთხელ გამოვა და და უფასოდ მიიღებთ.

ჩვენთვის დიდი პასუხისმგებლობა ლენტეხის მუნიციპალიტეტის შესაბამის ტენდერში გამარჯვება და იმ უფლების მოპოვება,

რომ სხვადასხვა საინტერესო სტატიებთან ერთად, მოგაწოდოთ ლენტეხის მუნიციპალიტეტის გეოსახელ საინფორმაციო მასალები, გაგაცნოთ ადგილობრივი თვითმმართველობის საქმიანობა.

ამავე დროს, ძალიან მნიშვნელოვანია, რომ თქვენ, მკითხველებმა იაქტიურად და მოგვწეროთ თქვენი მოსაზრებები, წინადადებები, რა სახის ინფორმაციის

მიღება გაინტერესებთ, რომ კიდევ უფრო დავახლოვდეთ და ვითანამშრომლოთ.

თქვენი ერთგულების დიდი იმედი გვაქვს!

ნატო გუბელაძე

გაზეთ „ლენტეხიnews“-ის მთავარი რედაქტორი

„ბიატლონ სვანეთი 2024“-ის ჩატარება კურორტ მუშაშის განვითარებისა და პოპულარიზაციისთვის მნიშვნელოვანი დასაწყისია

პირველად ქვემო სვანეთში, კურორტ მუშაშში, საქართველოს ეკონომიკისა და მდგრადი განვითარების სამინისტროს სსიპ კურორტების განვითარების სააგენტოს, რაჭა-ლეჩხუმ-ქვემო სვანეთის სახელმწიფო რწმუნებულის ადმინისტრაციის მხარდაჭერითა და ლენტეხის მუნიციპალიტეტის მერიის ორგანიზებით, სამოყვარულო შეჯიბრი ბიატლონში - „ბიატლონ სვანეთი 2024“ გაიმართა.

ლონისძიების ფარგლებში მოთხილამურეები ერთმანეთს თბილამურებით რბოლასა და შაშხანის მიზანში სროლაში შეეჯიბრნენ, რადგან ბიატლონი სპორტის სწორედ ამ ორ სახეობას აერთიანებს. ტურნირში მონაწილეობა მიიღო ვაჟებისა და გოგონების ხუთ სხვადასხვა ასაკობრივ გუნდად დაკომპლექტებულმა 34-მა მოყვარულმა სპორტსმენმა. გამოვლინდნენ როგორც ოქროს, ისე - ვერცხლისა და ბრინჯაოს მედალოსნები, რომლებსაც ტურნირის სპონსორებისგან ფულადი პრიზები, საწვავი, კონფერენციაზე - „სპორტული მედიცინა, ინოვაციები, ხელოვნური ინტელექტი“ უფასო რეგისტრაცია, კურორტებზე განთავსება, სასაჩუქრე ვაუჩერები და სხვა მრავალი პრიზი გადაეცათ.

„კურორტი მუშაში გამორჩეულია თავისი უნიკალური წყლებითა და ულამაზესი ბუნებით. მას წლების განმავლობაში დაკარგული ჰქონდა თავისი ძველი იერსახე, რადგან ინფრასტრუქტურა იყო სრულად განადგურებული. დღეს ისტორიული მნიშვნელობის დღეა ლენტეხისთვის, იწყება სწორედ კურორტ მუშაშის განვითარება ხელსაყრელ პირობებში და მთლიანად მუნიციპალიტეტის ეკონომიკური მდგომარეობის გაუმჯობესებას და ერთიანად მიმზიდველი იქნება როგორც ადგილობრივი მაცხოვრებლებისთვის, ისე ტურისტებისთვის“ - აღნიშნა ლენტეხის მუნიციპალიტეტის მერმა, გია ონიანმა.

„კურორტების განვითარების სააგენტოს მიზანია კურორტების განვითარებასთან ერთად, მასობრივი სპორტის და სპორტულ-გამაჯანსაღებელი ღონისძიებების ორგანიზების ხელშეწყობა. „ბიატლონ სვანეთი 2024“-ის ჩატარება არის როგორც კურორტ მუშაშის განვითარებისთვის და პოპულარიზაციისთვის მნიშვნელოვანი დასაწყისი, ისე ადგილობრივი მოსახლეობისთვის მოტივაციისა და წახალისების კარგი შესაძლებლობა. სააგენტო მომავალშიც იქნება მსგავსი ღონისძიებების აქტიური მხარდამჭერი“ - აღნიშნა კურორტების განვითარების სააგენტოს საზოგადოებასთან ურთიერთობისა და მარკეტინგის მენეჯერმა, ნატალია დოლიძემ.

ლონისძიების მხარდამჭერები იყვნენ „ბიატლონის“ ეროვნული ფედერაცია, სსიპ „კურორტების განვითარების სააგენტო“, შპს მთის ტრასების სააგენტო (MTA), „გალფი“, „სპორტული მედიცინისა და მეცნიერების აკადემია“, „მაგელანი“, „XTREME“, „MPLUS“, „დეილი ქონვინიენს სთორ“, „შპს ჰაიდრო ინვესტ ჯიეი“, „შპს იუნაითიდ ფაუერ ენერჯი“.



სოფელ წანაშში მდინარე ხელედურის განმენდა-გასწორხაზოვნების სამუშაოები მიმდინარეობს

მიმდინარე პროექტი მოსახლეობის დაცვის მიზნით საგზაო დეპარტამენტის მიერ ხორციელდება. პროექტის სახელშეკრულებო ღირებულება 410, 000 ლარს შეადგენს.

სამუშაოები მონიტორინგის მიზნით, რაჭა-ლეჩხუმ-ქვემო სვანეთის სახელმწიფო რწმუნებულის მოადგილემ, ზერდია ჩანქელიანმა, ლენტეხის მუნიციპალიტეტის

მერის მოადგილემ, ზვიად ლომჯანიძემ, საკრებულოს თავმჯდომარემ, გიორგი გაზდელიანმა და საქართველოს საავტომობილო გზების დეპარტამენტის შესაბამისი სამსახურის წარმომადგენელმა, დავით ჭეიშვილმა მოინახულეს.

პროექტით გათვალისწინებული სამუშაოები მიმდინარე წლის იანვარში დაიწყო და 2024 წლის აპრილში დასრულდება.



უკიდურესად გაჭირვებულ ოჯახებსა და მართოხელებს საშუალება გააძეცათ

ლენტეხის მუნიციპალიტეტში მცხოვრებ უკიდურესად გაჭირვებულ ოჯახებსა და მართოხელებს მუნიციპალიტეტის მერის, გია ონიანის ინიციატივითა და მერიის ფინანსური მხარდაჭერით საშუალება გააძეცათ.

საშუალო მერის გადამცემის პროცესს მუნიციპალიტეტის მერი,

მერის მოადგილე ზვიად ლომჯანიძე და ზედამხედველობის სამსახურის უფროსი გიორგი გულბანი ადგილზე გაეცნენ.

შემოდგომით უზრუნველყოფა მუნიციპალიტეტში მცხოვრები უკიდურესად გაჭირვებული ოჯახებისთვის ეტაპობრივად გაგრძელდება.



ლენტეხის მუნიციპალიტეტის თვითმმართველობის საშუალოვადიანი განვითარების დოკუმენტის შემუშავების პროცესს, საქართველოს მთავრობის 2022 წლის 15 თებერვლი, N264 განკარგულებით დამტკიცებული მეთოდოლოგიის შესაბამისად.

დოკუმენტის შემუშავების პროცესში მუნიციპალიტეტს ტექნიკურ მხარდაჭერას უწევს USAID-ის ადგილობრივი თვითმმართველობის პროგრამა და პოლიტიკისა და მართვის საკონსულტაციო ჯგუფი (PMCG).

მუნიციპალიტეტის საშუალოვადიანი განვითარების დოკუმენტი განსაზღვრავს ადგილობრივი ხელისუფლების მიზნებს, ამოცანებს და მათი მიღწევის კონკრეტულ მექანიზმებს.

განალიზებული პრობლემების საპასუხოდ, დოკუმენტში ჩამოყალიბებული მიზნები და ამოცანები

შემდგომში ხდება მუნიციპალიტეტის ბიუჯეტის ფორმირების, საბიუჯეტო პროგრამებისა და ქვეპროგრამების საფუძველი.

დოკუმენტი იქმნება მუნიციპალიტეტის სოციალურ-ეკონომიკური განვითარების კუთხით ადგილობრივი ხელისუფლების ხედვის, მოსახლეობისა და დაინტერესებულ მხარეთა ინტერესების ცხოვრებაში გატარებისთვის. იგი, როგორც წესი, განსაზღვრავს მუნიციპალიტეტის განვითარების კურსს მომდევნო 4 წლის განმავლობაში.

დოკუმენტის შექმნის პროცესი მოიცავს შემდეგ ეტაპებს:

- სამუშაო და ტექნიკური ჯგუფის ფორმირება (პროცესის დაწყება)
- სიტუაციის ანალიზი
- სტრატეგიული ჩარჩოს განსაზღვრა
- სამოქმედო გეგმის შემუშავება და ბიუჯეტირება

- საჯარო კონსულტაციები
- დოკუმენტის დამტკიცება.

დოკუმენტის სტატუსიდან გამომდინარე, კრიტიკულად მნიშვნელოვანია მისი შექმნის პროცესში საზოგადოების ფართო ჩართულობის უზრუნველყოფა. გამომდინარე აქედან, მუნიციპალიტეტი იწვევს ყველას, მონაწილეობა მიიღოს გამოკითხვაში, რომლის შედეგად შეიქმნება დაინტერესებულ მხარეთა ზაზა.

ასევე მოგიწოდებთ, მომავალში აქტიურად ჩაერთოთ დოკუმენტის შემუშავების პროცესში.

ნახეთ ლინკი: https://docs.google.com/forms/d/e/1FAIpQLSfxmNCH7R_0xeZ8wLKajPYd4uV9MN8V0Uymqb17HEwKiDw/viewform?usp=sf_link&fbclid=IwAR3IGQYQHKBWqRQVHjKzBmJLbbx6gyawcX7KSqe6WGvlgQ8d5s_5vr4Zg

ლენტეხის ხელისუფლების წარმომადგენლებმა გასული წელი შეაჯამეს

ლენტეხის მუნიციპალიტეტის მერიაში გამართულ სამუშაო შეხვედრაზე ხელისუფლების წარმომადგენლებმა გასული წელი შეაჯამეს და 2024 წლის გეგმებზე და პრიორიტეტებზე ისაუბრეს

სახელმწიფო რწმუნებულმა, პაპუნა მარგველიძემ და მაჟორიტარმა დეპუტატმა- გოჩა ენუქიძემ ლენტეხში გაფართოებული სამუშაო თათბირი გამართეს, რომელსაც სახელმწიფო რწმუნებულის მოადგილეები, მუნიციპალიტეტის მერი, საკრებულოს თავმჯდომარე, სამსახურის უფროსები და ააიპ-ების ხელმძღვანელი პირები ესწრებოდნენ. თათბირის დასაწყისში ხელისუფლების წარმომადგენლებმა დამსწრეებს ის მნიშვნელოვანი სიახლეები გააცნეს, რომელიც ბოლო პერიოდში რეგიონში სხვადასხვა მიმართულებით განხორციელდა, შეაჯამეს გასული წლის მიღწევები და იმსჯელეს სამომავლოდ გასატარებელ ღონისძიებებზე. თათბირზე აგრეთვე განიხილეს ლენტეხის მუნიციპალიტეტში ინფრასტრუქტურული პროექტების მიმდინარეობა და შეაფასეს ამ მხრივ არსებული მდგომარეობა. სამსახურების უფროსების მხრიდან კი მოისმინეს ინფორმაცია სფეროების მიხედვით აქტუალურ საკითხებზე. მათ შორის საუბარი შეეხო, ჯანდაცვის, განათლების, კულტურის, სოციალურ და სხვა მიმართულებებს.

განსაკუთრებული ყურადღება „სოფლის მხარდაჭერის პროგრამა 2024“-ზე გამახვილდა, რომლის ფარგლებშიც პრიორიტეტების გამოვლენის მიზნით, ტრადიციულად, მოსახლეობასთან შეხვედრები წარმართება.

აგრეთვე იმსჯელეს სოფლებში სხვადასხვა მიმართულებით არსებულ მდგომარეობასა და იმ საჭიროებებზე, რომლებიც შესაბამისი სამსახურების ჩართულობას მოითხოვს.

აღსანიშნავია, რომ მსგავსი სახის შეხვედრები რეგიონში შემავალ მუნიციპალიტეტებში კვლავ გაგრძელდება, რაც მნიშვნელოვანია სამუშაო პროცესის ეფექტიანობის გაზრდის კუთხით.



ლენტეხის მუნიციპალიტეტში კულტურის სახლის სრული სარეკონსტრუქციო-სარეაბილიტაციო სამუშაოები დასრულების ეტაპზეა

პროექტის ფარგლებში მოეწყო სცენა-გახმოვანება და მონტაჟი, ჩატარდა ელექტრო მონტაჟის, წყალმომარაგების, ცეცხლდაცვის, კანალიზაციისა და გათბობის სამუშაოები. სრულიად განახლდა ინვენტარი.

ხელშეკრულების ღირებულება

2143 403 ლარს შეადგენს. სამუშაოები შეასრულა შპს „ჯორჯიან ბილდინგ კომპანი“.

პროექტით გათვალისწინებული სამუშაოები მუნიციპალური განვითარების ფონდის დაფინანსებით განხორციელდა.

დასრულებული პროექტი რა-

ჭა-ლენტეხში-ქვემო სვანეთის სახელმწიფო რწმუნებულმა, პაპუნა მარგველიძემ, მაჟორიტარ დეპუტატთან, გოჩა ენუქიძესთან და ლენტეხის ადგილობრივი ხელისუფლების წარმომადგენლებთან ერთად მოინახულა.



ლენტეხში სპორტკომპლექსის სარეაბილიტაციო სამუშაოები მიმდინარეობს

ახალი ეკონომიკური აქტივობისა და ახალგაზრდების სტიმულირების მიზნით, ლენტეხის მუნიციპალიტეტში აქტიურად მიმდინარეობს სპორტული ინფრასტრუქტურის მოწყობა. ამ ეტაპზე ხორციელდება სპორტკომპლექსის სარეაბილიტაციო (გადახურვის) სამუშაოები. სამუშაოებს შ.პ.ს „აბსოლუტ-პლუსი“ ასრულებს, რომლის სახელშეკრულებული ღირებულება 145,350 ლარია, პროექტი საპი-

ლოტე რეგიონების ინტეგრირებული განვითარების პროგრამის ფარგლებში ხორციელდება.



„სოფლის მხარდაჭერის პროგრამა“ დაიწყო!

2024 „სოფლის მხარდაჭერის“ სახელმწიფო პროგრამის ფარგლებში, რეგიონებში განსახორციელებელი პროექტების ფონდიდან, ლენტეხის მუნიციპალიტეტისათვის განსაზღვრულია 604 000 ლარი.

შეგახსენებთ, რომ ლენტეხის მუნიციპალიტეტის ადმინისტრაციულ ერთეულებში „სოფლის მხარდაჭერის პროგრამის“ ფარგლებში დასაფინანსებელი პროექტების შერჩევა მოხდება დასახლების საერთო კრებებზე. სამუშაოდ, დიდთოვლიანობამ კრებების განრიგი შეცვალა და თებერვლის ბოლოსკენ გადაიწია. მოსახლეობის მიერ წარმოდგენილი თითოეული საპროექტო წინადადებაზე, შესაბამისი სოფლის დასახლების საერთო კრებაზე, ჩატარდება ღია კენჭისყრა და შეირჩევა ხმების უმრავლესობით უპირატესი პროექტი. გთხოვთ, გაითვალისწინოთ და დასახლების საერთო კრებაზე დასწრების დროს იქონიოთ პირადობის დამადასტურებელი დოკუმენტი, კრებაზე რეგისტრაციის მიზნით. „სოფლის მხარდაჭერის პროგრამის“ ფარგლებში დასაფინანსებელი პროექტების კატეგორიები განსაზღვრულია საქართველოს მთავრობის დადგენილებით:

• სასმელი წყლის სისტემები (მათ შორის,



რის, ჭაბურღილები, წყალსადენები, სათავე ნაგებობები, გაშენებული ნაგებობები, ჭა და ა.შ.);

• სარწყავი სისტემები;

• სანიაღვრე არხები;

• ნაპირსამაგრი სამუშაოები;

• გზები და გზისპირა მოსაცდელელები, აგრეთვე ტროტუარები და გზის შემადგენელი სხვა ინფრასტრუქტურა;

• ხიდები, ცხაურები, ხიდბოგირები, გადასასვლელები;

• გარე განათება;

• სკოლების მიმდებარე ტერიტორიის კეთილმოწყობა;

• სკოლამდელი დაწესებულებები და შესაბამისი ინვენტარი;

• სასაფლაოების შემოღობვა და კეთილმოწყობა;

• სპორტული ინფრასტრუქტურა, მოედნები და მოედნების ინვენტარი;

• სკვერები, მათ შორის, საბავშვო სკვერები, შესაბამისი ინვენტარით, აგრეთვე სარეკრეაციო სივრცეები და სველი წერტილები, შესაბამისი ინვენტარით;

• წისკილების რეაბილიტაცია და შესაბამისი ინვენტარი;

• გეოგრაფიული ობიექტების სახელდებისა და დამისამართების შესაბამისად, შესაბამისი ნიშნების, აგრეთვე ტურისტული ადგილების მიმართული ნიშნების განთავსება;

• მინიპესები და შესაბამისი რეაბილიტაცია/აღდგენა.

სოფლის მხარდაჭერის პროგრამის საკითხებზე მოსახლეობასთან ურთიერთობაზე და საპროექტო წინადადებების მიღებაზე უფლებამოსილ პირები არიან:

1) **ზვიადი ლოზიანიძე** - ლენტეხის

მუნიციპალიტეტის მერის მოადგილე,

მობილურის N 577 00 95 92

ელ.ფოსტა zviadilobzhanidze750@gmail.com

2) **სოზარ ბენდელიანი** - ლენტეხის მუნიციპალიტეტის მერიის ადმინისტრაციული სამსახურის უფროსი, მობილურის N 599 85 27 04

ელ. ფოსტა sozarbendeliani@gmail.com

3) **ლევანი ლიპარტელიანი** - ლენტეხის მუნიციპალიტეტის მერიის ინფრასტრუქტურისა და არქიტექტურის სამსახურის უფროსი, მობილურის N 595 08 51 00

ელ. ფოსტა: lentexisinfrastructure@gmail.com

4) **ლაშა ბენდელიანი** - ლენტეხის მუნიციპალიტეტის მერიის ინფრასტრუქტურის განვითარებისა და კეთილმოწყობის განყოფილების უფროსი

მობილურის N 595 08 52 29

ელ.ფოსტა lentexisinfrastructure@gmail.com

ლენტეხის თემში „სოფლის მხარდაჭერის“ პროგრამის ფარგლებში მოსახლეობასთან შეხვედრა გაიმართა

ლენტეხის მუნიციპალიტეტში „სოფლის მხარდაჭერის“ პროგრამის ფარგლებში განსახორციელებელი პროექტების შერჩევის მიზნით, მოსახლეობასთან შეხვედრები ლენტეხის თემში დაიწყო.

შერჩეული პრიორიტეტები „სოფლის მხარდაჭერის“ პროგრამის ფარგლებში რეგიონული განვითარებისა და ინფრასტრუქტურის სამინისტროს რეგიონებში განსახორციელებელი პროექტების ფონდიდან ფინანსდება.

ლენტეხის მუნიციპალიტეტის მერი გია ონიანი, მერის მოადგილე ზვიადი ლოზიანიძე ადგილობრივი ხელისუფლების წარმომადგენლებთან ერთად ლასკადურის, კახურის, გულიდის, მელურის და ლექსურის სოფლის მოსახლეობას შეხვდა და პროგრამის ფარგლებში განსახორციელებელი პროექტები განიხილეს. ადგილობრივების უშუალო ჩართულობით გამოვლინდა შემდეგი პრიორიტეტული მიმართულებები:

• სოფ. გულიდა - გარე განათების მოწყობა

• სოფ. კახურა - გარე განათების მოწყობა

• სოფ. ლასკადურა - სასაფლაოების შემოღობვა

• სოფ. მელურა - სკვერის კეთილმოწყობა

• სოფ. ლექსურა - სამეურნეო და ნიშნულების გზის მოწყობა

შეგახსენებთ, რომ კონსულტაციები 27 თებერვალს დაიწყო და ეტაპობრივად ყველა სოფელს მოიცავს.



